

呈報陳梁氏節孝

湖南督學部院吳批

據湘陰舉人王汝明稟稱該縣節婦陳茂麟之妻梁氏節義可
風公懇旌表前來查睢麟起化始自閨門鸞鵲堪悲竟成孤操
陳梁氏青年守志白水盟心黃陵廟前淒絃動於怨瑟汨羅江
上哀歌鬱乎沉沙允爲衡嶽之鍾奇益信湘筠之著美又況事
姑以孝尤兼子職之勤撫姪作兒克遂宗祧之志本部院廣稽
近事特纂貞徽敢誇班史之才藉續蔚宗之傳除俟彙題外茲
親書翠挹貞蕤四字匾額並加印花仰卽領給該節婦家懸楣

示異芳徽曰永長欽禮法之宗後嗣雲仍用卜門楣之大特示